

焦氏四書講錄

焦氏四書講錄孟下卷之十四

孟子曰盡其心者章

此章晦庵子分作知行時文且依他說一條是知以造其理
二條是行以復其事三條是知行各造其極

入之所以爲人者心也心統乎性性命於天性是仁義禮智
天是元亨利貞仁禮卽元亨之理義智卽利貞之理盡者知
之盡也盡得心之愛與敬是知得仁禮之性知得仁禮之性
便知得天之元亨盡得心之宜與別是知得義智之性知得
義智之性便知得天之利貞

心性不是兩箇性卽心所具之理存養亦不是兩事存其心
卽所以養其性說存心又說養性者只因上面有知性字故

又綴箇養性字在此心便了又存之使其所盡者不至於有失性既知了又養之使其所知者不至於有害心性皆天之命我皆也存之養之便是事天之事矣

壽天生死若以之動心便思量歲月無幾光陰有限只管怠

惰放肆去了惟能不以此動心而脩身以俟之存心養性者

直死而後已一息尚存也不容少懈則天

命之理無窮矣全全立於我矣

陽明子曰晦庵以盡心知性知天爲知之事存心養性事天

爲行之事歟壽不貳脩身以俟爲知行之極鄙人之見則反

是矣盡心知性知天者生知安行聖人之事也存心養性事

天者學知利行賢人之事也歟壽不貳脩身以俟者困知勉

行學者之事也蓋盡其心者心之全體大用無不盡而天地

萬物爲一體也盡者竭盡而無遺乃知行之盡頭極致處能盡其心是能盡其性矣中庸云惟天下至誠爲能盡其性又云知天地之化育正知性知天之謂矣惟聖人後能得故曰此生知安行聖人之事也有其心者猶未能盡其心須是加存之功必存之既久不待存而自無不存然後可以爲盡事天者如子之事父臣之事君尚與天爲二不若知天者如知府知縣一轍知府便一府之事皆已事知縣便一縣之事皆已事知天便天地之事皆已事而與天爲一矣故曰此學知利行賢人之事也至於殀壽不貳則與存其心者又有問矣存其心者雖未能盡其心而心已二於爲善殀壽不貳之人則是猶以殀壽貳其心者爲善之心猶未能一也存之尚

有所未得而何盡之可云乎今且不以殫壽貳其心只一心
於爲善而脩身以俟天命是其平日尚未知有天命而今始
俟之也又不若事天者雖與天爲二而天命之所在則已真
知而善事之矣非初稟立命之人乎立是創立之立凡云立
者皆言未嘗有而今始立之之謂也故曰此因知勉行學者
之事也若以此爲知行之極處則是盡者反不爲盡而未盡
者却反爲盡矣此果足以盡聖人之事而爲天道之極致哉
孟子曰莫非命也章

上章命字命是理此章爲氣數逆多氣數與理亦非兩項氣
數卽理之流行處也○死生禍福莫非命人只要順受其正
知命者不立巖牆之下是順受其正之事蓋所謂正命者何

也蓋其道而死者正命也若桎梏而死者則非正命矣○蓋
其道者雖或死於桎梏亦是無妄之災亦謂之正命也不盡
其道者雖不死於桎梏亦是偷生苟免亦謂之非正命也要
之桎梏而死微瑯而死亦命也此不歸之正命者何哉教戒之意云耳

孟子曰求則得之章

人之不求在我者多是為在外者所誘却不知在外者求之
無益在我者求之有美矣其為無益之求不若為有益之求
也○在我者是仁義禮智在外者是富貴利達純陽子曰人
世風塵草頭珠露又曰石中迸火水上浮漚波波却劫有甚
來由思及於此則亦何苦舍我而徇外求無益而不求有益
孟子曰萬物皆備於我章

此章首條言天理之本然天理卽是仁萬物皆備於我者仁也二條言反身而誠仁者之事也三條言強恕而精求仁萬物皆備於我我是吾人之通詞非孟子之自我也大大小小萬有不齊者其理皆我性分之所固有其事皆我職分之所當爲無一而不屬之於我故曰皆備於我矣

聖人中心安仁反身而誠是萬物之備於我者安而行之實實落落無一之不盡也此則盛德大業大順大化我與天地而同流天下之樂信無以加於此故曰樂莫大焉

仁者反身而誠其有未成者是爲私意所隔而不知萬物之備於我也如事父未能孝事君未能忠只爲私意隔了而不知君臣父子之屬於我由是以我爲君父欲臣子之忠孝者

度君父之心亦欲我之忠孝便去了却私意以忠孝而事君父則君臣父子之屬於我者不云而近於忠孝之誠者幾推之事事莫不如此故曰強恕而行求仁莫近焉

此章與孔門論仁之旨同箇意思萬物皆備於我即仁者以天地萬物爲一體也反身而誠樂莫大焉即已欲立而立人已欲達而達人也強恕而行求仁莫近焉即能近取譬可謂仁之方也吾人誠知萬物於我本爲一體自然便有欲立與立欲達與達之心了得與立與達之心方是能全萬物皆備之體此孔孟許大學問所以真箇天理流行古今生生而不息者也充拓得去則天地變化草木阜蕃充拓不去則天地閉塞人物消亡今人只是充拓不去耳故能近取譬強恕而

行聖賢分明亦知得學者不能頂門一鉞扶起痺痿且教之
勉強著強恕二字是發狠着力回頭轉念定要從此充拓去
也如言欲愛身人亦愛其身則不敢逞暴怒以拂人之性吾
欲愛家人亦愛其家則不敢縱貪婪以專人之利在家便愛
一家在國便愛一國以及於天下時時此念頭事事此行恕
勉強既久工夫既深雖伎性褊心之太亦必消滅分數胸次
開平久之私意不容而天理自復矣萬物皆備之體方是能
全天地萬物一體之仁方是能盡人皆可以爲堯舜者正
在此也

孟子曰行之而不著章

此是提醒世上的好人除却不好的人不說不行不習便是
不好的人行了習了已是箇好人但不著不察亦只是箇鴈

突的好人不得謂之知道聖門自顏曾諸子外行而習者有之著而察者亦能有幾也後世若張黃諸葛韓范富歐司馬諸公之類雖是德業名世然謂之知道亦未也陽明子云諸公都是天資之美暗合於道雖亦各自有其學而遠道不遠但未聞聖人之學而知吾道之妙是以汎濫於多岐疑迷於影響或合或離而不純若知得道時便是聖人便是伊傳周召矢誠者以諸公爲行不著習不察終身由之而不知者亦未爲過論也夫不好的人不知亦不足怪了好人却也不知真箇是可惟真箇是可惜此全是提醒好人的意思然則欲知吾道之妙者如何亦惟學聖人之學而已矣聖人之學致良知是也良知即是道致良知即是知道著焉察焉者此之

謂也若乃察察爲世儒之學蔽於沿習之陋扭於聞見之執
自以爲著察而卒歸於昏昏者則亦豈可謂之知道哉

孟子曰人不可以無耻無耻之耻無耻矣

耻者羞惡之本心夫人終身之無耻只由於一耻之力故

孟子曰耻之於人章

耻字晦庵子說得好存之則進於聖賢失之則入於禽獸試
看聖賢那箇是無耻的人做得禽獸那箇是有耻的人到此
一無耻了便不恤面目不仁不智無禮無義百般醜惡無一
不幹出來非禽獸而何夫人之所以爲人者無論焉聖賢與
成箇人的面目不到爲禽獸亦全在有耻耳故曰耻之於人
大矣○爲機變之巧者已是可耻彼乃自以爲得計而無所

用耻則即此不耻之一事。不若人了更有甚事。若得人蓋耻便知改不耻便不改而終於此矣。○問無耻的事不可勝數此何以只說機變之巧曰別樣無耻的事人都知得可耻却不知機變之巧尤可耻也以不耻者揭出來說無耻正要人充類至義之盡如以言餽不言餽爲穿窬之類一般餽者可即謂之穿窬子責備之意嚴矣

孟子曰古之賢王章

此是傷今思古之意賢王好人之善而忘己之勢賢士樂己之善而忘人之勢好善忘勢沈心衷說致敬盡禮即其事也樂道忘勢亦沈心衷說不得見不得臣即其事也然此皆古之賢王賢士如此而今則無此士矣即有此士而亦無此王

矣○王公不致敬盡禮使不得見不得臣賢士亦不是要自
尊太甚君若不如是則不足與有爲而枉已求見亦未有能
直入者也銜王求售誰肯償以連城之價哉

孟子謂宋句踐曰二節

當時遊說者往往以人之知不知爲榮辱爲悲喜而德義之
風掃地孟子所以把遊說之道語句踐云說之而人聽是人
知之雖由此而達也亦於我何加焉竊竊然不以之而爲喜
說之而人不從是人不知之雖由此而窮也亦於我何損焉
竊竊然不以之而爲悲此之謂遊說之道○竊竊二字是箇
最自在大受用的方法彼勞心費力僥首於七雄之間者亦
何苦爲是也把這箇方法喚醒遊說之士一則是成就人才

一則是潛消國禍聖賢化工之妙如此

曰何如斯可以爲貴乎天曰尊德樂義則可以爲貴矣

尊德樂義二句只汎論其理下文纔就士身上說理一也
其渾厚持重處謂之德有止履教方正康謂之義德即義之
得於心者義即德之見於事者尊德則自有其尊不必富貴
功名而後尊樂義則自有其樂不必富貴功名而後樂故人
之知不知皆不以之爲悲喜而可爲貴然矣

故士窮不失義達不離道

士窮不失義是尊德樂義而守之於已也達不離道是尊德
樂義而推之於人也彼權謀術數富國強兵之類要皆其
窮不失義故士得已焉達不離道故民不失望焉

上既尊德而樂義則其窮也為不失已人不知亦足貴者此矣其達也為不失民人知之亦足貴者此矣

古之人得志澤加於民一節

此又引古人以證上文之說得志則以德象之澤而加之於民不得志則以德義之脩者而見之於世夫不得志而有以見之於世是窮能獨善其身也非窮而不失已者乎得志而有以加之於民是達能兼善天下也非達而不失民望者乎○獨善兼善把兩箇善字說出來見得其窮其達無往而不善也既無往而不善則亦無往而不置置氣遊說喻此道何以盡子曰待文王而後興章

自古作人之盛唯有文王詩曰周王壽考遐不作人又曰豈

弟君子遐不作人是也故曰待文王而後興○此章意思最
警醒人人若不自興起便是凡民不是豪傑豪傑何人也我
不以之而自待凡民何人也我却以之而自居良可愧矣可
憤矣而興起自不容已矣

孟子曰附之以韓魏之家如其自視歆然則過人遠矣

韓魏是富貴之家若可滿者乃不自滿而視之歆然全無驕
侈之意此等人勢利紛華都動他不得識趣之高迥出風塵
之表庶幾心體明淨而無私欲之累者即此便是過人遠矣

孟子曰以佚道使民章

佚道生道須看兩箇道字道者天理也佚道之使生道之殺
皆不傷天理者民心皆有箇天理自家明白又何怨焉○使

民不是播殺乘虛遷長君國之役事殺民不止去惡除害也
孟子曰霸者之民離厚如也王者之民皞皞如也

此示人以王霸之辨要人尊王黜霸也霸者有心於民感故
其民感之而離其主者無心於民感故其民忘之而皞皞湯
之威曰聖人感人心而天下和平皞皞之謂也憧憧往來朋
從爾思則離其之謂矣

殺之而不怨利之而不庸民日遷善而不知為之者

此章重在王民不重王者殺之利之教之之如何不怨者只
知得自己有罪不知其殺之者也不庸者只以為自己之利
不知其利之者也不知為之者只以為自己之遷善不知其
教之者也若以私怒而殺之誰不怨人人而利之誰不庸人

入而教之又誰不知爲之也耶

夫君子所過者化節

上文不怨不牖不知己是過化存神此則因而贊王道之大也過化存神不是兩項事政教所過處民習化之而不見其亦是過化施政教將心裏所存衆神妙而莫知其然是存神舊說以存神爲德過化爲業不道總是王者之業其本則是德也上下與天地同流者天以神化流於上地以神化流於下王者以神化流於其中是與之同運而並行民以此化之如天時之如地而時歸焉矣○此章論王者之治可爲極盛矣然而王者亦不自知其盛也日中則昃月盈則食治安則驕侈易生驕侈則危亡立至王者敢自以爲盛乎制治於未

亂保邦於未危神之存者如此乎常神化之過者如此乎常
代之以常常有其盛也故贊其大者曰天地同流矣而贊其
久者不又曰配天配地無疆哉

孟子曰仁言不如仁聲章

此傳兩段有仁言仁聲善政善教四者俱不可廢但仁言不
如仁聲善政不如善教人君須以仁聲善教為主而以仁言
善政輔之孟子之意亦不是要廢了仁言與善政程子曰聖
王為治政教也不偏廢脩政則以齊教明教化以善俗政刑
立則教化行矣教化成則政刑措矣此之謂乎

仁言只發於一時仁聲却著於平日其久暫已不同仁言未
必其能行仁聲却有其行事其虛實如仁言不仁聲之人人深也

善政只民畏之善教却民愛之而畏不足言矣善政只得民財善教却得民心而財不待言矣故曰善政不如善教之得民也○有來仁言仁聲亦只從善政善教中來善政善教便是仁言仁聲的實事人君須在政教上著工夫言聲上著力不得故曰豈可聲言笑貌爲哉

孟子曰人之所不學一節

此章首提良知良能是說人性之本善次以孩提之知能指點出來是特善之真證佐求則說良知良能達于天下見性善是天下之所同返無一人之本惡者也

良字是至善之義良知者本來至善之知良能者本來至善之能學而能慮而知者固足以見性之善然必學而後能必

慮而後知亦未足以見性之本善處故提出不學不慮的良
知良能來以見性之善者本是自然而然而也乃極末窮源之
論微乎其微矣良知良能縱是充之以學精之以慮至於
無所不知不能亦非出此知能之外也不過即此知能開大
之耳譬之於木其根芽只是一點後來長成時其大連抱其
高參天其枝葉花實不知幾千幾萬豈是外面別取些生意
來袒補此木亦只是此一點根芽漸次長成至此耳知此則
知良知良能之妙無所不該而陽明子所以惓惓於良知之
講也人有嘲陽明者云除了良知更有甚麼說得陽明亦云
除了良知更有甚麼說得噫非知此理之妙者

又龍可與
龍野哉

卷之一節

孩提至于稍長此時未學未慮也而自知愛親敬長所謂良知良能者正於此可見矣

觀親仁也敬長義也無他達之天下也

孩提之愛親是仁孩提之敬長是義達之天下也句非孩提稍長之愛敬達之天下無不同之謂也仁義之分量盡人盡物參天兩地何所不該而終之不出於愛敬孩提之愛達之天下便是合愛稍長之敬達之天下便是合敬所以謂之仁義耳若說孩提之愛敬達之天下無不同則前無不二字已有達之天下之意矣安事以無他轉語而復說耶前章云仁之實事親是也義之實從兄是也記曰夫孝置之而塞乎天地溥之而橫乎四海正達之天下也之意○看來良知良能

雖是達之天下然亦要人善養程子云今人斷喪家極多只有一件嬰兒飲乳是自然親親敬長之良即稍長亦斷喪矣所以然者親長之無教而養之不善故也又云古者雖胎教猶勝今日庠序之教今日自出胎之後所見皆不善終能言便習賊惡日日消鑠更有甚天理又云教之以豫爲先若爲之不豫及稍長時意慮偏好生於內衆言辨口鑠於外欲其純全不可得矣然則教之豫而養之善以全此良知良能者不有賴於親長乎故曰家以養正聖功也陽明子訓蒙大意亦妙哉

孟子曰舜之居深山之中一章

此說舜之迹不異於人而舜之心則有異於人者不重迹上只重在心然直說其心可也而必從迹上說起是何意思蓋

世上有一等人要做出箇異於人的模樣而不知其心之所
存者何異於人也故此處把舜的迹來說見得七君子只要
心裏卓卓乎異迹上不必粧點居以木石邊以鹿豕舜何
異深山之人乎在宋章甫在魯逢掖孔子亦何異宋魯之人
乎君子之所以異於人者以其存心也全要在心上理會○
及其聞一善言見一善行一字說得活不是止於一傳善言
一聞即了然而用其言善行一見即了然而用其行舜所以
如此者蓋緣這善本具於心一有感觸遂與之契合而用之
自不能已也若心裏原無這善對其所聞見者將拚捨而不
入安能應之如響其連累江河之譬最爲江河是有源之水
一決便百仞趨萬里而莫之能禦無源之水決不能然者○

若決江河不止於知之速亦是行之速矣知行原分不得兩項聖人亦未嘗有知而不行者且江河之決莫之能禦亦是流行之謂也而可謂其無行哉

孟子曰無爲其所不爲無欲其所不欲如此而已矣

人心至靈不當爲不當欲之事未嘗不知但初間始得到計較利害處却以爲不妨又冒昧爲之欲之若既知得不當下便從這裏截斷斷然不欲不爲掃除蕩滌無一毫不繫之心無一毫悖理之事心之本體便盡得矣○晦庵子以此爲充義之功義字該不盡者不得已矣字無是絕無也不與母字勿字同制字亦用不得強制之者尚有病根在也可便說已矣乎

孟子曰人之有德慧章

德慧是德之慧者術智是術之智者德慧者明無不照而有
以灼事幾之未然術智者康無不寧而有以盡事理之當然
疾疢是艱難困苦不是疾病之疾○地之於車莫仁於羊腸
而莫不仁於康衢水之於舟莫仁於瞿唐而莫不仁於溪澗
玩平則覆戒險則企此理之自然者故曰恒存乎疢疾○此
與生於憂患死於安樂同意康憂患者念此固當知疢疾爲
進德之地而不可以自廢康安樂者念此亦當知宴安爲喪
身之毒而不可以自荒康安者皆若蘄車則知所以慎脩而可
爲不破之家康國者皆若孤臣則知所以圖治而可爲不敗
之國易之震曰震來虩虩後笑言啞啞吉其此之謂歟

孟子曰有事君人者一章

此章論人品不同大約有四等事君人是志於富貴者社稷
臣是志於功名者天民是志於道德者大人則是德乎
事是君為容悅容者君容之悅者君悅之而求君之容悅者
則在此人也

安社稷為悅是以社稷為已任君安於上

民安於下而後以之為已任也

天民民宰晦庵子以為無位之稱達可行於天下是道可行
而後行不然寧歿世不見知而不悔看來事君人社稷臣大
人通是說為臣者豈於天民又說未為臣者乎天民亦是為
臣者達而行之於天下必道兼可行者而後行之也較於社
稷臣之所行或有不顧道兼者則又高一著矣

天民猶是勉強行道之人大人却自然而然者正已無工夫

物正亦是自正君自化於上民自化於下不識不知而世道
爲之轉移非有至誠之德者不足知也此也人品至此則

孟子曰君子有三樂一章

君子有三樂都是在己之樂可以必待者必待故謂之有也
晦庵子以一樂爲人所深願而不可必得三樂爲盡得一世
之材一世之材如何能盡得亦是所深願而不可必得者且
引林氏說一係於天一係於人其可以自致者唯不愧不怍
則是三樂只有一件可必得那兩件是不可必得者何以謂
之有三樂也愚意三樂都就在我之道說一樂是道之最切
處樂在一家也二樂是道之全體處樂在一世也三樂是道
之可傳處樂在萬世也一樂者誰無父母誰無兄弟父母俱

存時便盡我之孝。兄弟無故時便盡我之交。孝友既盡則是道行於一室。而此心可無歉矣。故曰一樂也。此樂非可以得者乎。若云父母長年俱存。兄弟長年無故。而後樂。則死生者晝夜之道。變故者人事之常也。安得長年俱存而無故哉。三樂者。世間只有天與人。天地萬物渾是我之一體全體了。此道仰便不愧於天。俯便不作於人。天人俱盡則是道行於一世。而不止於一室。此心益可無歉矣。故曰二樂也。此樂非可必得者乎。三樂者。天下之英材。我得而教育。教之以孝友於父母兄弟者。教之以不愧不作於天人者。教之以學得英材繼之於不絕萬世之人。得英材開之於無窮。則是道行於萬世。而又不止於一世。此心益可無歉矣。故曰三樂也。此樂非可

必得者乎天下之英材猶云天下之善士只得一兩箇亦足了不必是盡得縱是一兩箇英材也不得教之門下然亦必有聞我之風而興起誦我之書而私淑者亦何莫非我教育之所及而傳我之道於萬世者哉以此觀之三樂都是可必得者故謂之君子有三樂也○至天下王字要識得不是有天下之說有天下者不過是有位王天下者則是位在而道亦在也所謂中天下而立定四海之民其道大行君子亦樂之者但不在此三樂之中耳故曰不與存焉猶云不與其數也不是以之爲不樂然此樂如何不與三樂之中蓋正是可必不可必之說也王天下者其機不在我正是係於天係於人者也此樂不可必得三樂却都是在我而可必得者矣既

可以必得而人顧有不能樂者何哉

孟子曰廣土衆民君子欲之所樂不存焉

廣土衆民君子欲之者欲其道之行不是欲富貴利達所樂不存以其道未至於大行也

中天下而立定四海之民君子樂之所性不存焉

中天下而立不止於土之廣定四海之民不止於民之衆君子樂之者以其道之大行而天下無一不被其澤也○中天下而立猶云宅中圖太中天地爲民物之主不是在天下之中央然亦不必是爲天子凡在朝廷上佐天子出治者亦是中天下而立定四海之民也若必待爲天子而後樂便以有無君之心君子所性雖大行不加焉雖窮居不損焉分定故也

大行是得所欲樂窮居是不得所欲樂大行不加窮居不損
看下條自明白仁義禮智之根心生色者所性也大行時
根心生色者如此而何所於加窮居時根心生色者亦如此
而何所於損分定之分即分也此性自有生之初天已分定
於我一毫增減不得大行窮居都是分外之所遇者也豈能
君子所性仁義禮智一節

仁義禮智根於心也若子氣稟清明物欲淨盡仁義禮智若
根深蒂固在心也由此根本自然生色出來面背四體俱是
自然生於面者仁義禮智之美善自然生於背者仁義禮
智之暢茂不言而生於四體者仁義禮智之條達只緣有根
在故其生生自不容已耳此皆所性之實時乎大行如此也

時乎窮居亦如此也。而何加何損哉。○問大學之道。須明明德。以至天下平。至誠之盡。性須盡。人物以至參天地。此却以其道大行為所性。不存何也。曰。所性不存。不是性不在道大行之中。道大行也。是性之盡。道不行也。有性之盡。所謂性不存者。與所樂不存少異。若作一樣看。便是牽文泥句了。蓋所性不存。則大行不加之謂也。縱然定四海之民。平天下之大參贊了天地之化育。如堯如舜。固是性之極盡處。然自堯舜視之。亦只一點浮雲過太虛而已矣。堯舜因之而有其性。故曰所性不存也。

孟子曰。伯夷辟紂一節。

人君欲得天下。只在得仁。人欲得仁。只在善養。老欲善養者。只在師文王。

五畝之宅樹墻下一節

此文王養老之政下條只承此云伯夷大公所謂西伯善養老者此之謂也舊說以此爲養民之政下爲因養民之政而寓養老之政不是蓋此處已明說出養老之政了一則曰老者足以衣帛一則曰老者足以無失肉一則曰八口之家可以無饑老者亦在其中矣如何只以爲養民之政乎

所謂西伯善養老者一節

上已說了文王養老之政此只挑出導其妻子使養其老來見得不是家賜人益不是私恩小惠正是因民之所利而利之不費之惠也無潤之大海也不言所利之乾元也王者之至仁所以爲善也不然寒者而與之衣饑者而與之食與

之者有限而望之者無窮是亦霸者之小補而已矣安得謂之善養老乎○末要繳云文王養老之善如此此伯夷太公所以歸之也天下有如文王之善養老者安知無伯夷太公孟子曰易其田疇二節

聖人治天下有養有教此先說養民之政者為教民之

此條說開菽粟之源易田疇而不妨民之力薄稅歛而不盡民之財是上之人如此

此條說節菽粟之流食之以時用之以禮亦是上之人民非水火不生活一節

菽粟水火同是養生所資者但水火不問貧富戶戶各足而菽粟則或有或無不能皆然同一養生之物須要此也如彼

水火有之菽粟也有之終可以興仁不說他物而說水火者就養生上說耳○聖人使菽粟如水火使字即上兩條之政仁者人也五倫家都有相親相愛懇切慈祥藹然融然融然一體之意便謂之仁故曰眈眈其仁仁則王化大行而天下太平矣○聖人是以我而生民者其後則民無以爲生矣噫何首乎民之不仁也耶

孟子曰孔子登東山一節

此條是形容孔子之道登東山登泰山二句就孔子之自處而言觀於海一句就人之觀孔子者而言孔子在魯國便是東山一般登之而小島在天下便是泰山一般登之而小天下故人之觀孔子者便是海一般觀之而難爲水然則遊孔

子之門者更有何言之足觀也山海作一類借以起聖門句
說者要以意會不可以辭泥○聖人之門即是孔子之門不
曰難爲道而曰難爲言者言以闡道難爲言即是難爲道也
此言亦是有道者之言不是反道悖理之言亦不是尋常小
可之言術難爲水者亦是江淮河漢之水只小之水可與海
較量乎○語功業莫若二帝看了聖門之功業則難爲功業
矣語禮樂莫若百王看了聖門之禮樂則難爲禮樂矣語清
任和莫若三子看了聖門之時中則難爲清任和矣况諸子
百家口頭之談吐紙筆之敷陳者哉

水有術一節

此條亦是形容孔子之道水之有源是水之大者然所以大

者以有源爲之本也。容光必照，是日月之光之大者。然所以大者，以有明爲之本也。然則孔子之道，所以大者，非以其有本乎？蓋聖人之心，至虛至明，渾然之中，萬理畢具，即本之所存也。而千變萬化，其出不窮，是以若此之大耳。孔子亦自曰：吾道一以貫之。大者萬殊之貫本，其一心之謂哉。

流水之爲物也一節

此條流水二句，只以例言之。志道道之本在於心，志道者要從心上體會。心作雖是無所不達，然亦不免拘蔽，須有克復的工夫，以漸而成章。成章而後達也。如人欲不得雜天理，是成章了。又達之而更得箇至當天理，既得箇至當是成章了。又達之而更到純熟之地，如此則心體依然無不達。

而道之一本萬殊者亦庶乎孔子之大矣○志道志字最要
緊莫深於瀾水而有尋源之志者則亦可得其泉矣莫高於
日月而有貞明之志者則亦可爭其光矣莫遠於泰山東海
而有登山浮海之志者則亦可至其巔而底其涯矣聖人之
道是豈無志者之所能彷彿耶志立便上達而可以作聖志
墜便下流而且見麾於聖人之門矣孔子亦自曰吾十有五
而志於學終得到七十而從心所欲不踰矩以學孔子者可以無志哉
孟子曰雞鳴而起一章

雞鳴是子時神氣方發一日十二時作爲皆萌於此善從此
始惡亦從此始復之一陽也始之一陰也○雞鳴尚未有應
接心裏就擎擎爲善爲利是何等急○雖急切亦未便到

善惡之極處而舜跖卽已分於其間可見莫見乎隱莫顯乎
微君子以此必慎其獨○舜之徒跖之徒只就一箇人說一
人之身而有舜跖之分者無他只在利與善之間耳蓋人之
一心方其爲善時亦知有箇利方其爲利時亦知有箇善此
正利與善之間也卽此利與善之間判斷之從善去便是舜
之徒從利去便是跖之徒夫舜跖之相去不知幾遠而只分
在善與利之間真箇差之毫釐謬以千里也間是中間從此
分便作兩邊去如今南北分水一支北流一支南下總是一
箇源頭而其流之漸則相去遠矣不可作幾看○世間最愚
不肖的人稱爲舜之徒未必不喜稱爲跖之徒未必不羞此
良知也良知未嘗滅息只爲私意埋沒了然雖埋沒而本體

却居然在中若提得醒時亦漸漸開明○爲舜亦自有成法
舜曰人心惟危道心惟微惟精惟一允執厥中利與善之間
正是危微之際也須要學舜用精一的工夫臨亦曰無適而
無道是他亦非不知有善也其如不精不一何哉不精則認
欲爲理認利爲善者有之不一則今日爲善明日又爲利者
有之學者能精以察乎善利之間而不雜一以止乎至善之
地而不遷則所以爲舜者在此矣豈復有他法哉

孟子曰楊子取爲我三節

道之所貴者中中之所貴者權此二語便是楊墨子莫之斷
案○楊墨之言行亦有近道者不可以人而廢楊子曰三皇
之事若存若亡五帝之事若覺若夢二王之事或微或顯自

古至今賢愚好醜成敗是非無不消滅矜一時之虛譽喪死
後之餘名豈足以潤枯骨也又曰生民之不得休息者為四
事為壽為名為位為貨不逆命何羨壽不矜功何羨名不要
勢何羨位不貪富何羨貨此可以楊子而廢乎墨子曰崇無
用好未淫者非聖人之所急也越王欲封以書社三百辭曰
王不聽吾言不用吾道雖全越以與我無所用之楚王設機
以攻宋蒙然宋日夜不休而至楚王不聽其言乃為宋設
守備九攻而九却之王遂為之寢兵此可以墨子而廢乎若
曰是禽獸也而禽不取其羽獸不取其角則之其所惡而辭焉矣
楊子一於為我更不為人墨子一於為人更不為我只為不
達時中之道所以各有其弊子莫懲此乃執二者之中為我

不如楊子之甚苟可利天下者亦爲之爲人亦不如墨子之甚而尚爲己之意在是要兩邊平執以爲中者只此就不足不蓋中無定体隨時而在人之處世有當爲我時有當爲人時當其爲我便不得爲人當其爲人便不得爲我故顏子在陋巷不復嬰情世務禹八年在外不復眷念私家出處難以並行彼此不容兩執當其時各爲其事正是權度不差之中也子莫兩邊平執以爲中則是時當爲我又要去爲人也不成箇爲我時當爲人又要去爲我也不成箇爲人如在陋巷而又嬰情世務何以爲顏子在外八年而又眷念私家何以爲禹穆彼此兩執出處並行全不成箇道理又不如楊墨之各執一偏矣猶執一也之說其亦薄乎云爾之責耶

所惡執一者爲其賊道也舉一而廢百也

仁義時中總是一箇理仁與義自相涵時中亦不外仁義即
仁義之隨時處中者故爲我者害義亦是害仁兼愛者害仁
亦是害義執中者害時中即是害仁義也若來三子只是箇
要立異求勝楊子見人有愛天下而不愛身者故矯之以爲
我墨子見人有愛身而不愛天下者故又矯之以兼愛子莫
見二家各有是處而不歸一也故又矯之以執中想當時爲
揚者使非墨而求以爲我勝爲墨者使非楊而求以兼愛勝
爲子莫者則又要兼揚墨而求以執中勝却不知都是賊而
已矣勝心之不可有而異端之不可立也如此哉

孟子曰饑者甘食章

此章重在心不重口腹人能無以饑渴之害爲心定睡庵子
以此饑渴當貧賤看時文且依他說要之饑渴就是貧賤中
一節豈惟口腹彼此有害心亦從此皆有害也噉齕嗟來無
非耳食耳飲之故此非心害而何若說貧賤方害心則耳食
耳飲者不爲心害乎○饑渴是貧賤之極處此處若能不動
心則一切危難都壓他不倒是箇精明卓立的人學問之功
愈久愈堅聖賢地位亦便可到家何憂不及人耶

孟子曰柳下惠不以三公易其介

柳下惠不羞污君不卑小官三黜而不去其和如此若無分
辨者然皆是道義所當爲然有分辨之介不是同流合污也
若不以道義加之三公彼決不受之而改易其介三公且不

以易況小官乎和而有介終是和得好處而異乎他人
孟子曰有爲者辟若章

有爲是爲學者爲學期於得道譬若掘井期於得水掘至九
軌之深不及泉而止者猶爲廢井也可見必得泉而後成井
必得道而後成學苟將成而遽廢則亦同歸於棄矣易之井
曰汔至亦未繙井未有功也其此之謂乎○泉只在地中道
只在心中泉在地中只爲土揜著道在心中只爲物蔽揜著
土是種種泥沙泥沙最要須要勇猛の志意強壯の氣力耐
久的精微鋒利的畚鍤時時刻刻掀揚起來泥沙愈薄泉便
愈近了泥沙盡去泉便盡通了只見澄澄乎爾洋洋乎爾靜
時節便中涵星斗倒影青天用時節便旋轉轉轉生生萬

孟子曰堯舜性之也章

堯舜性之湯武身之性反雖不同要皆真有之者不似五霸之假性是渾成的身使能作爲故取以爲說性之者道出於性性合下便有此道也身之者道具於身以身行之而後得此道也○堯舜是以冰盛水冰即水水即冰無殼者也湯武是以水晶盤盛水雖是內外一色而其殼尚在也堯舜無迹湯武有迹堯舜無查滓湯武有查滓堯舜無包裹湯武有包裹性之身之嚴永子此喻亦善矣○五霸久假而不歸惡知其非有假之是欺人也惡知是欺已也人已皆欺罔矣此五霸所以爲堯舜湯武之罪人數○五霸始莫盛於齊桓公終莫盛於楚莊王春秋方書齊侯宋公陳侯衛侯鄭伯許男曹

伯伐楚次于陟楚屈完來盟于召陵即書齊人執陳轅濤塗
及江人黃人伐陳又書齊人宋人衛人鄭人許人曹人侵陳
以此觀之桓公之假亦不能久也方書楚人殺陳夏徵舒即
書楚子入陳納公孫寧儀行父于陳又書楚子滅蕭圍宋以
此觀之莊王之假亦不能久也久假而不歸惡知其非有也
其猶罪霸之未甚者哉

公孫丑曰伊尹曰予不弔一章

伊尹之志是爲國家爲生靈無一毫專權自利之意故可放
君然此志亦不是一朝一夕勉強所能爲者須是道全德備
素行有以信於人至誠有以通於天者終能爲此○伊尹看
來不是放君前已說明了只是援亮陰之制而爲之不然何

復位之期即見於三祀之末年也若果放君亦只是之時濟
變之權而不可以爲萬世常行之法故曰有伊尹之志則可
可者僅可之詞也豈以此爲盡善哉

公孫丑曰詩曰不素餐兮草

此君子指未仕者君子之道仁義而已矣用之是用其所陳
之仁義從之是從其所教之仁義用之而安富尊榮是上有
功於君也有功於君則君當食之矣從之而孝弟忠信是下
有功於民也有功於民則民亦當食之矣而可謂之素餐

王子墊問曰士何事章

士對大人看乃未仕者志是心之所之猶未見於事也非仁
非義之事不爲而所居所由者只在仁義俱就志說蓋其志

以為吾若得大人之位定不如彼要如此也然當其為士時豈無居仁由義之事乎此以尚志為主故云然耳○義之存處即是仁仁之作用處即是義仁是體義是用一理也大人之事備者所存所發皆此仁義大學脩齊治平之道○耳高皇帝有曰尚志者若只為尋常之善亦不得為高尚必為無上之善斯乃志之盡矣發得尚字意更妙然則居仁由義者必為無上之仁義而後可謂之尚志哉

孟子曰仲子不義與之齊章

前篇答匡章只說仲子之與不能充其類未暇罪其廢人倫此處以廢命為重其不得為廉也○仲子不義與之齊國而不受蓋就其心推之而知其能如此不是實

事食菲食豆羹之類形其廉之小也夫不受齊國廉亦大矣而謂之小者對大倫看耳以如此之廉猶不足以贖廢倫之罪况未能如此而區區於陵之居妻食之食尤廉之小小者何足以為賢乎○聖門之學只論大體不論小節仲子亡大倫而執小節緣他見之不明有所蔽也若見得全體特豈肯把小節當天大的事仲子正是以管窺天者矣天果盡於管中所見耶况大倫之亡則仲子在管中尚只見得風霾塵迷眼者更多矣可謂之賢哉

桃應問曰舜為天子一章

此章是設為之辭原無此事亦不要泥着看只借以示臣子之道而已為臣者以法為重雖天子之父且不赦也况其下

者乎為子者以親為重雖天下之大且可棄也况其小者乎
○為臣者能如皋陶之執法則天下無不忠之臣而人亦不
敢犯法矣為子者能如舜之愛親則天下無不孝之子而臣
亦不害為守法矣○此原只就天理之極致說都未粘着人
情上未及權變上若要委曲以宜人情亦須有箇權變晦庵
子云聖賢之心合下是如此權有所未暇論若到不得已處
亦須變而通之又云亦須合下有如此的心方能權制今人
為事合下無如此的心其初便從權制上去了我何不減
天常而壞人紀哉

孟子自範之齊一章

此章之意全在居天下之廣居非徒為齊王之子羨也○居
移氣之居是所處之位不與宮室之居同上兼云居養而下

獨云大哉居乎者有是居則必有是養矣○魯君事引以證
王予而居廣居之意自見於言外居相似者魯宋二君同處
諸侯之位故同一氣體之移而其聲相似耳○廣居所移者
天然之華美也居養所移者華美假於人也剪綵而為花可
與造化爭工乎太和元氣瑞日祥雲泰山巖巖光風霽月景
星甘雨玉色金聲者今猶可想而見也此非居廣居之氣

孟子曰食而弗愛豕交之也愛而弗敬豢畜之也

此就諸侯待君子說人須要自重自貴戰國之士利諸侯之
飲食幣帛自輕自賤全不成箇人了故諸侯亦不以人待之
而豕交豢畜極其輕賤噫區區飲食

幣帛於我何加也而乃喪心一至此乎

恭敬者幣之未將者也

恭敬就幣帛上說是用幣帛以致恭敬於君子也但這恭敬不因幣帛後有幣帛未將之時已先有了恭敬特以幣帛表而行之耳恭敬而無實君子不可虛拘

恭敬而無實是徒以幣帛為恭敬而未將之先原無此實心也正所謂豕交豨畜之集故君子不可虛拘○虛拘者相欺相詐倭人戲子之拜跪君親也真君真親肯信之乎人心從此大為世道亦從此大壞矣豈但不可留君子哉

子曰形色天性也惟聖人然後可以踐形

此是論人之本色舊說形色是氣質性性是理氣中有理在固差不多但猶以形色為形色天性為天性不得為本色語此蒙蓋曰人之一身形色是曰天生是曰天生意者自有一

點的靈明這點靈明虛虛發發在在露形便是人之形色若
不是靈明則只塊然的血肉耳殊非人之形色也衆人虧欠
了靈明便不成箇形色唯聖人實踐了靈明然後成箇形色
而不愧乎此身矣○人與禽獸草木原無大異其所以貴於
萬物者以其形色是天性也彼耳目口鼻四肢百骸人都知
其為形色却不知此還不是人本然的形色唯天性乃真形
真色也且如我能視聽禽獸亦能視聽我能運動禽獸亦能
運動我能知覺禽獸亦能知覺若只以此形色與之較量靈
蠢有何辨別如神羊觸姦神草指佞其知覺運動反有人不
如者若非這天性則百體雖具安知其不為禽獸之形色乎
故曰人之形色天性是也唯聖人能盡性方是能踐形誠身

有道不明乎善者不誠乎身可知善便是身之實處無善則襟裾馬牛身是虛器矣仁者人也可知仁便是人之生處不仁則呼吸不來便是死漢矣故曰既明且哲以保其身保是保珍珍重之謂也明哲則成性成身發育峻極於我乎立本禮儀威儀於我乎流行此身方尊貴此之謂保重其身矣有美歸於斯人苟欲全之必安頓得所至於身而不知所以置之將昏迷顛越乃欲乃禽矣悲夫茫茫宇宙誰非男子形形色色誰非天性也可以天地萬物貴重之身而墮於禽獸草木之身哉

齊宣王欲短喪一章

通章是論齊王王一改亦為齊王說也王子壓於嫡母是有所禁者齊王何禁何禁之有王子欲終之而不得齊王得

終之而不欲是固不孝矣不得終者其傳為之請而不欲終者丑乃以為愈則亦何以異於教終兄之不弟者哉

孟子曰君子之所以教者五章

君子之教有五是以受教者為次第也時雨之化最妙不必有所待矣成德便待要費力與化者遲速不同矣達財則又與成德者精粗不同矣答問則尤淺矣私淑艾則又不問其淺深矣君子之教如此天下寧有棄人乎○五教者君子之師道也人材成就全賴乎此程子曰善言治者以成就人材為急務人材不足雖有良法無與行之欲成就人材者只在師道之立而已矣師道一立人材便各得成就豈無出而效用者此等人見用定不肯苟且完事朝廷正而天下治者此

也其未見用者又將傳道於後世致治於無窮矣然則君子之五教其有功於天下後世也大哉

公孫丑曰道則高矣美矣一章

君子以道教人引之以知行也而知得精行得熟之妙處却不發之是非吝於發也不容發也然雖不發而所以知得精行得熟者已踊躍而見於前學者但不用工則已若用工去精之熟之則此道之妙處便為我所得矣○引字不發字躍如字都影射字來中道而立就躍如說不及者視此以為難而不知愚不肖之可與知與能者此也太過者視此以為易而不知聖人天地之所不能盡者亦此也非難非易中道而立耳唯夫能者既不阻於難亦不忽於易由其所引者以達於

其未發者力可得而至之巧亦可得而中之而與躍如者脗
合矣彼不能者則拙射拙工之流君子亦求如之何也烏容
變發率繩墨以徇之哉○引而不發君子固是如此然學者
亦須要君子如此纔好康節子學於李之才請曰願先生微
開其端毋竟其說此真是能者從之也蓋道理要自己理會
出來便有無窮的妙處若自己未曾見得到那地位教者就
容易與他說了一切傾倒出來他便不復深思而自得之使
是口耳之學無益於心身居之亦不安取之亦易窮矣引而
不發君子亦是令人自得之意也其善教有如此哉

孟子曰天下有道章

身字對人字看殉道殉身是由已也以已為主也不失已者

也。殉人是由人也。以人為主而依附之也。聽命於人者也。以己為主者。進退之權在乎我。以人為主者。榮辱之權在乎人。君子所以超然於物外。小人所以役役於牢籠者。此也。

公都子曰：滕更之在門章。

問而有挾者。皆所不答。蓋以挾我者卑我也。非以師我也。卑我者卑道也。非以師道也。故皆不答。不答重在不輕用其道。上○受道以虛心為本。虛便能受。有挾者私意先橫於中。便不能入了。故空空之鄙。夫子竭兩端之敎。而滕更之挾。二孟子不一答之也。使能思不答之故。於所挾者。致力以消之。是亦教誨之而已矣。

孟子曰：於不可已而已章。

前段是不用心之弊後段是過用心之弊不用心者宜乎廢弛過用心者亦同歸於廢弛過猶不及也○不可已而已以處事說所厚者薄以待人說進銳不止為學者為治亦然如所謂求治太速更張無漸是也○江河之注也一決而千里神龍之蟄也一奮而九天蓋畜之極者發必驟伏之久者飛必高也進銳者與其銳於前而退於後孰若前之緩而後之

孟子曰君子之於物也章

天地間理一而分殊惟其理一是以親與民物皆我之一體而不可以無恩惟其分殊是以有親疎貴賤而我之施恩不容以無等只主等說不必以上為等下為序○君子於物句重愛上於民句重仁上親親而仁民承於民句來於民既弗

親然則其所親者何也親親也民故只仁之耳仁民而愛物承於物句來於物既弗仁然則其所仁者何也仁民也物故只愛之耳○君子是通乎上下之人親親仁民愛物人人通是能得的蓋人之一身親之外便是民民之外便是物孰不有民孰不有物孰不能仁之孰不能愛之惟視有國有天下者所施有廣狹耳若謂發政施仁者而後可為仁民草木鳥獸魚鼈咸若者而後可為愛物則終身不能行者多矣聖賢為己之學豈有使人終身不能行者哉

孟子曰知者無不知一章

智者之所知以事說仁者之所愛以人說當務亦是知但是無所不知中之最要者親賢亦是愛但是無所不愛中之最

要者急當務非此外更不求知也只以當務為急其餘皆可
次第而知矣急親賢非此外更不加愛也只以親賢為急其
餘皆可分理而愛矣○問先務之急何者為先曰先務拘定
一件不得如在身便有脩身之先務在家便有齊家之先務
在國與天下便有治國平天下之先務此與親賢一般賢亦
拘定一人不得隨在而有賢便隨在而親任之也若先務可
止一件則親賢亦止一人乎○先務親賢固不止乎一然其
本則唯一心而已矣養得此心湛然而虛明廓然而大公自
然知得何事是先務而急於知自然知得何人是賢者而急
於親堯舜之急先務急親賢者其本豈在他也道心惟微惟
精惟一允執厥中是矣精是明一是公以此執中之心御天

下則何先務之不知何賢者之不親而何仁智之不盡哉

孟子曰不仁哉梁惠王一節

問仁者以天地萬物為一體無一而不在所愛之中者此却以民物為不愛何也曰以理而論親與民物雖皆所當愛以分而論親與民物不容無差等故民是所愛以之比親親尤所愛者而民又所不愛也物是所愛以之比民民尤所愛者而物又所不愛也如一身之間心是大體所貴者也耳目口腹是小體所賤者也愛之養之亦自有差等亦總是一體也明乎此則知萬物一體之仁矣

公孫丑曰何謂也節

以土地之故而死其民以民不勝之故而又死其子以民視

土地土地所不愛而民所愛者也以子視民民又所不愛而子弟所愛者也此之謂以其所不愛及其所愛○孟子不只為說惠王乃借他一人喚醒戰國諸君也人之勝愛者莫如子弟以土地不要緊的事把自家子弟喪了可惜可恨此全是打動諸君不忍之心要他知仁義也要他惜子弟而罷戰爭也戰爭一罷不惟子弟可保而民命亦都可保全矣非孟子曰春秋無義戰彼善於此則有之矣

此春秋是說春秋之經無義戰者春秋每於諸侯之戰無有以之為義者彼善於此則有之總是見得無義戰意蓋彼善於此者雖有之然要之皆是不稟王命而擅興師旅亦不得為義也彼善於此者且不得為義况于不善者乎可見春秋都是無義戰矣

征者上伐下也敵國不相征也

此解春秋所以無義戰之意王者天下之義主諸侯有罪王命諸侯討之以上而伐下戰之義者也若敵國則豈有相征者乎春秋之戰都是敵國相征而不稟命

於王若此之謂無義戰矣

此章之意主於尊王不徒為貶春秋之諸侯亦是要萬世為臣子者以此為鑒無擅興師旅而取無王之罪也大凡聖賢著書聖訓稱人之善者非止善此人也欲後世以此為法也稱人之惡者非止惡此人也欲後世以此為戒也看書到此等處都識得這意思終有益矣

孟子曰盡信書章

此書字不獨指書經凡百紀載之書皆是下獨言書經武成

者以一武成見書經不可盡信以一書經見他書皆不可盡信也○仁人無敵於天下是汎論其理下終說武王以至仁而伐紂之至不仁紂罔敵於我師前徒倒戈已無敵於天下了又何必攻其後至於血流標杆也武成所載本史臣之謬處故不可信晦庵子解血流標杆作商人自相殺非武王殺之是回護史臣之意故以此為假設耳豈其然乎○看來書有若干多獨不信一武成武成有若干事獨辨一血流標杆者蓋慮後世不仁之徒以此為口實而糜爛其民故叙此於春秋無義戰之後善戰為大罪之前也諄諄乎行仁之教閱閱乎止殺之望有人心者自當惻然而悲矣若說只教人以讀書之法則其所開繫者亦小哉○兵者不祥之器以兵強

天下者其事好還何也物壯則老是為不道不道早已唯有
道者未嘗壯故未嘗老未嘗死以兵強天下者壯矣能無老
乎無死乎讀孟子書者旁及此說尤當悚然而懼矣敢復佳
孟子曰有人曰我善為陳我善為戰大罪也

此言善陳善戰為大罪下則言無用善陳善戰也

國君好仁天下無敵焉

國君好仁者平日是發政施仁臨陳是弔民伐罪故天下歸
之而無與為敵既然無敵則雖有善陳善戰者亦無用矣
南面而征北狄一節

此引湯武之事以為國君好仁天下無敵之證湯是好仁之
君東征西怨南征北怨則天下無敵矣武王是好仁之君百

姓若朋厥角稽首則天下無敵矣○詩曰殷商之旅其會如
林書曰受有億兆夷人武王却只革車三百兩虎賁三千人
者蓋兵不貴多只貴乎精如敵人有十萬我只有精兵一萬
亦不要怯他他未必能勝我未必就敗其家以少擊衆而取
勝者亦多光武以八千兵破王莽百萬之衆於昆陽謝玄以
二萬兵破苻堅百萬之衆於淝水岳鵬舉以五百騎破兀朮
十萬之衆於朱仙鎮以此觀之兵多不足恃多者亦易得亂
適足以資敵人一敗不支使自相蹂踐而敵人之長驅者其
勢益甚譬之兩人相敵當一肥一瘦擁腫者必為輕捷者所
困此理亦甚明也可見武王雖不用善戰亦自精於戰矣
征之為言正也各欲正已也焉用戰

此言好仁者所以無敵之意征之為言正也民為暴君所虐
都望仁者來救已而正之師旅所至歸者盡天下矣何必用
戰陳乎彼以善陳善戰自負者是不知正人之義而為不仁
之甚者也大罪之加上刑之服更何所逃哉

孟子曰梓匠輪輿能與人規矩不能使人巧

此借藝以喻學首尾要發明學的意思○規矩與巧不平說
重在巧上正意亦是如此要人有自得之學也○巧不在規
矩外循得規矩熟後自然巧上達亦不在下學外悟得下學
妙處自然上達但巧與上達非教者所能致力耳○晦庵子
教人云學問之道我亦只說得箇大槩還要各人自下工夫
譬之寶藏一般其中至寶之物何所不有我只能指與人說

此處有寶人若不自已去討終不濟事可見學者要自下工夫不然只靠著師友是為天下拙工矣

孟子曰舜之飯糗茹草章

聖人之心純是天理其樂無所不徇雖極貧賤胸中自有樂地更不望他日之富貴雖極富貴胸中自有樂地亦不是緣富貴而後快足者來看去只是箇不動心○此孟子善形容舜之心體處貧賤未必終身也此心却安然若將終身富貴元非固有也此心却安然若固有之此其心體常靜常定譬之蒿華春華盤據穹壤任其春去秋來雷轟雪霽為蛟之翔者自翔下者自下草木之榮者自榮瘁者自瘁雜然於吾前而吾之壁立萬仞者却只凝然不動而已此正是無聲無臭

不覩不聞之本體也。舜之心體完哉。○吾人除了此心便渾是血氣用事耳。便要聲目便要色口便要味四肢便要華靡其於富貴貧賤聖人視之若昏曉之變者乃愁苦抑鬱涕泗滂沱若無所措其身者以至于死而後已則亦何貴於為人乎。倒不如草木之隨時榮悴猶有箇脫然處也。噫無論不如聖人矣。可以人而不如草木哉。

孟子曰吾今而後知殺人章

天有顯道厥類惟彰感恻之理未有不以類者方其殺人親之時孰知人殺吾親者其幾已在此乎。然此亦為常人云耳。○殺人親者亦當視其罪如何有罪則亦不可慮其殺吾親而舍之人亦不可憐其殺親而報之也。使一槩以殺人親為

嫌而有罪者亦不殺則古之聖君賢相所殺有罪之人亦多矣豈皆無子無弟而非人之親者耶

孟子曰古之為關章

此是傷今思古之意古人以義為國其創制立法皆是天下之公凡以為民而已後世以利為國雖古法之尚存者亦皆轉而為一己之私本原不正無往不失古人為關章之意豈特

孟子曰身不行道章

古人云進德必考於妻子蓋妻主順子主承吾居尊而妻子居卑勢最易行令最易從者若不能然最可畏也然則一言一行可離道乎宜於妻子者而後可順於父母刑於寡妻者而後可至於兄弟御於家邦造端乎夫婦者而後可以察乎

天地妻子之間若不能行也况父母兄弟乎况家邦天地乎
晝以此爲驗夜以夢爲卜者可謂善學已矣

孟子曰周於利者章

聖賢不言利此却言利者借利以喻德也周於利者豐年固
好凶年亦無如之何周於德者治世固好邪世亦無如之何
矣○良農不患年之有凶而患蓄之不厚君子不患世之難
處而患德之不周周於德者是誠明兩盡更無一欠缺也彼
知此理而守之不固或能守而知處尚未透徹者便為牽勢
所惑所奪矣邪世焉能不亂耶

孟子曰好名之人章

人之好名者常於其所勉而不於其所忽君子之觀人者則

於其所忽而不於其所熟辭千乘之國者不覺失色於華豆
碎千金之璧者不覺失聲於破釜以此而觀人好名不好名
之真情未有不參透者也○墮甌不顧可以觀孟敏揮鋤不
顧可以觀管寧若以強爲之事而觀人則萊公之於丁謂定
夫之於檜賊無怪被其欺也一被人欺便有無窮之禍矣有
識者慎無爲人欺哉○鑑軒子云觀人者固不可以名然名
亦可以驅人也爲人主者以名驅人而以義激之使之震厲
奮迅自耻於庸人而不肯爲苟賤之行則天下之懦者始得
而回矣天下之人惟其樂於名而勇於義是故名可以率而
趨義可以作而起也不然惟利之趨而已而今之議者往往
以好名咎天下之士士之慷慨勁正好議論者遂以好名而

詆之不目之以訐則斥之以往而士之立志不堅者每有所爲復以好名而自沮嗚呼近名者不收而近利者乃可耶天下唯有兩途不入於名則趨於利伯夷近名之尤者也盜跖不好名之極者也苟以近名爲非也則伯夷曾盜跖之不若耶爲天下者得伯夷而用之不若盜跖之可委任耶是故以名驅人而以義激之者予未見其可廢於今也此說亦善哉孟子曰不信仁賢章

仁賢禮義政事三段平說信仁賢則君有所輔民有所庇而國不虛有禮義則君君臣臣父父子子而上下序有政事則開財之源節財之流而財用足○仁賢是國之本禮義自仁賢而出政事自仁賢而脩也信字又是任仁賢之本彼千金

之宋必有爲之司管鑰者爲之司會計者既得其人則任之
既任其人則信之然後人得以盡其忠而主得以享其樂苟
付以管鑰會計之任而又慮其見欺而疑其不爲盜也則人孰
孟子曰不仁而得國章

不仁得國輕只重不仁得天下意不仁之人騁其私智下以
術而愚其民上以力而制其君能益千乘之國者有之若天
下之太欲以術愚之則一人之術有限而天下不可以勝愚
欲以力制之則一人之力有限而天下不可以勝制故未有
得天下者也○自戰國以前觀之只有不仁得國者無不仁
得天下者自戰國以後觀之却有仁得天下者了然皆一
再傳而失之猶不得也得天下者湏如三代有謂之長纓可

孟子曰民爲貴一章

此章爲民而祭只重民上木重社稷與君當時爲君者多賤民故發此以曉之云民爲貴社稷是次於民者君輕於社稷亦是次於民者可見民爲貴也得丘民三節以丘民節爲主下二節一解君輕於社稷一解社稷輕於民總爲民之意古者有畏民之君是以無可畏之民舜曰可愛非君可畏非民禹曰民可近不可下愚夫愚婦一能勝于其畏民何如也後世狃於民之不足畏而民之大可畏者始見於天下矣天子是至貴者得丘民便爲天子彼得天子者不過爲諸侯得諸侯者亦不過爲大夫皆不若得丘民者爲天子可見民爲貴者諸侯是君社稷安諸侯便安社稷危諸侯便是諸侯之安

危只繫於社稷可見君輕於社稷矣又不輕於民乎

社稷是爲民而設者民無災患社稷便存民有災患社稷便

遷是社稷之遷否只繫於此可見社稷次

於民矣而君不
又次於民乎

天爲民而立君君乃以其崇高富貴視民不啻蟻芥豈知崇

高富貴者天爲民而與我也我又賴民而保此也民心去即

天命去民心歸即天命歸是天命之予奪天下之興亡富貴

之得失皆係於民而已矣君而賤乎民也

其亦不畏天者哉
其亦不自貴者哉

孟子曰聖人百世之師一章

問以百世之師歸夷惠而孔子反不與何也曰孔子之爲師

不待說了夷惠之爲師却要待表章孔子道大德全而無迹

學之者終身鑽仰而不足夷惠忘繫行高而迹著慕之者一

日感慨而有餘○聞風而興起化等都化爲好人矣今或有
親炙聖賢之師全無一些興起耳提面命藐然若無知者見
利就趨見害就避一言之忿必較一事之失必爭習成粗惡
之態而至于不可化誨者其視興起之人又不逮遠矣意此可呼之爲人哉
孟子曰仁也者人也合而言之道也

此是明仁道兩字以示人人有恒言皆曰仁曰道而不知仁
者入也不離仁合而言之道也仁即人所以爲人之理道
即仁之推行者不是別有一理也總見得理之一而皆不外
乎人耳○仁者入也即天命之謂性合而言之道也即率性
之謂道各字對離字看合者不相離也人不離仁便有無限
當然的事出來便謂之道不是分而言之合而言之之說若

做分合看則有生之初此仁已合在人身上了豈是分了而待於合耶○仁字也得闊四端萬善都只是一箇仁晦庵子云據外本人也下有義禮智信二十字理極分明信如此說恐倒不分明矣若添了義禮智信則仁固人也而所謂宜也復也知也實也又屬之於何也是仁固不遠於人而義禮智信者皆入外之道矣不近於仁內義外之說哉

孟子曰孔子之去魯章

道無定體因時而制宜當去魯之時則遲遲而行爲道也當去齊之時則接淅而行又爲道也○去父母去他國二句是孟子解之之詞○問去他國宜速而孟子之去齊却遲之以三宿何也曰齊王足用爲善猶有望之之意是亦道之所在

也使孔子處此亦豈忍接淅而行乎

孟子曰君子之亢於陳蔡之間無上下之交也

吾道乃人心之同然道至於聖人宜通天下之志者而陳蔡之間上下無交何其道之窮也豈同然者不在人心乎亦

貉稽曰稽大不理於口章

士憎茲多口以士不同於流俗也○程子曰小人多行不義人却不說君子未有一事使生議論至白者易污亦是常理故曰無傷○孔子文王謂其華足以當之非以此詩爲二聖人作也舉孔子以該在下之人舉文王以該在上之人然則在下者惟患不爲孔子耳群小之愠何傷乎在上者惟患不爲文王耳愠之不殄亦何傷乎○多口豈特無傷於人亦是

進人之地詩曰他山之石可以攻玉蓋兩王相磨不可以成
器以石磨之王之爲器終得成故士傳言庶人謗者皆是進
德之助也周公告成王亦曰人皆怨汝訾汝則皇自敬德康
節子亦曰橫逆侵加然後脩省畏避增益豫防而德成焉陽
明子亦曰今之論議我者苟能取以爲善皆是砥礪切磋我
也攻吾之短者是吾師師又可惡乎可見多口亦是進人之地矣
孟子曰賢者以其昭章

昭昭者明明德也使人昭昭凡其條章約束皆自明德中來
必當乎天理合乎人情其從之也必矣昏昏者使人昭昭忘
自責而徒責人耳條章約束人情天理相違必多感之無道
矣誰則應之乎故論治者貴知本

孟子謂高子曰山徑章

山徑之蹊是人行處行之少頃而蹊即成少頃不行而茅即塞都只在頃刻之間不待於久然則理義之心學問少進而即明學問終止而即塞者何以異此○吾人此心得之於天至繁至渾至平至坦初來渾未知有欲也及情竇將開之時乃有纖芽嫩葉伏其中美此時若覺悟治之於嬰猶可爲也使或不覺或覺而不治姑息容留日復一日則榛蕪四出荆棘橫生其物之至潔至淨至平至坦者安在耶須是勇猛下手芟除斬伐盡去其根纔得恢復故址若悠悠蕩蕩去之不盡則潛滋暗長不旋踵而又塞之矣亦濟其事哉

高子曰禹之聲華

禹之聲尚文王之聲高子是總衆樂之聲說追慕只說鍾者樂以金爲聲作樂者先擊鐘鐘紐欲絕疑是作樂而擊鐘者多也禹之鐘紐欲絕以其日久用多所致猶城門之轍跡深以其日久車多所致也文王則未久而未多矣可以此而謀齊饑陳臻曰國人皆以一章

齊王之政負隅之虎也國人之望馮婦之迎也復勸發棠是亦攘臂下車者矣衆人固悅之也其如士君子之咲何哉

孟子曰口之於味也一章

此章兩性字兩命字晦庵子作兩樣看時文且依他說前性字是氣質之性命字是富貴貧賤之命後性字是性善之性命字是清濁厚薄之命

耳目口鼻四肢之欲皆是性然有箇命在貧賤不能如願富貴亦不能無制君子則惟安於命而不敢以恣其性貧賤時不求其欲之必得富貴時亦不窮奢而極欲故曰不謂性也

仁義禮智各就重處分屬天道即仁義禮智所從出者五句空空帶落下來命也處終見有盡不盡之意盡不盡者是命之清濁厚薄不同然性却本善命終不足以拘之君子必求盡所性之善而後已故曰不謂命也○問聖人於天道何以有未盡處曰如堯舜性之是盡也禹入聖域未優湯有懃德武未盡善則未盡矣孔子集大成是盡也夷偏於清尹偏於任惠偏於和則亦未盡矣

愚意孟子是為人把耳目口鼻四肢之欲認是氣質之性便

忘了天命其於仁義禮智又然認是天命之精而不知已落在氣質遂使性命相離日遠於道故此章說耳目口鼻人皆謂是氣質之性無理寓其間而不知雖云是性却有天命之理在其出君子不謂是性而忘了天命也此是在耳目口鼻中表出箇天命至善之理來仁義禮智人皆謂是天命之精非人所皆有者而不知雖云是命却已落在氣質之中通有在人身上了君子不謂是天命而另在性之外此是即仁義禮智中表出箇承受有著落處者兩性字同是氣質之性兩命字同是天命之會性中也有會命也在性中耳目口鼻四肢也不要看得太愈仁義禮智天道也不要看得太精若一樣性字一樣命字分做兩樣去解異哉

浩生不害問曰一章

善信美大聖神總是一箇善可欲之謂善者善出於性人心同然之妙也故可欲信是此善之有諸己美是此善之充實大是此善之有光輝聖是此善之化神是此善之不可知此善字所包者廣性分之理皆盡於此矣○此章論人品從善信說起乃由賢而作聖者聖神字畧分差等亦無害清任和之聖亦是聖也譬之明珠也時中之聖則是神也譬之明珠而又走盤也若不分兩樣便只合云三之下矣何以云四之下哉

孟子曰逃墨必歸一節

此爲今人辯異端之歸儒者說逃墨逃楊就一箇人看務外者一覺悟必歸於近裏者已及覺悟自己已有偏處必又歸於

今之與楊墨辨一節

中年凡反正者只在覺悟之間其漸次亦自如此故逃墨而歸楊逃楊而歸儒然亦要活看亦有逃墨而徑歸儒者矣
今之與楊墨辨者楊墨既歸儒又追辨之而不受也夫楊墨歸儒乃良知之覺悟者儒者當迎其機而長養之如調習禽獸之類徐徐至於馴擾他便不苦其難而可以成就却又與之辨如豚之放者既入苙又追咎之而羈其足此則刻意駕馭牢籠束縛他必苦其難而不樂於相從雖良知之覺悟者不又隨之而蔽塞乎到此便不該盡罪楊墨儒者亦與有罪
○異端不歸而拒之嚴者正不容邪義之盡也既歸而待之恕者大可容小仁之至也只看孟子康夷子方其求見是入

豈之放豚也即動以一本之天獎以仁孝之事豈惟不招之
且有以侗之矣夷子以此而卒歸儒噫安得仁義兼盡若孟
子者而使異端之盡歸哉

孟子曰有布縷之征章

三征皆不可廢只要調停處之調停者視時之先後事之緩
急民之肥瘠而爲之所也長民者說到民有孀父子離忍

孟子曰諸侯之寶三章

土地以立國人民以守土政事以治民故皆爲諸侯之寶此
三寶者當時諸侯亦知之而不深知寶已之土地却又爭地
以戰殺人盈野爭城以戰殺人盈城是反故乘凌之業也欲
寶土地須先寶人民欲寶人民須先寶政事政事得耳使民

心一而土地固矣然此三寶又以寶貴才爲先寶珠王者庸
闇之極藉寇兵而濟盜糧者也寶安在耶

盆成括任於齊章

人須要聞道聞得大道時便知以天下爲度其作用出來自
然有大經濟大規模小有才而未聞道者爲才所使特才妄
作必不免於殺身故與其有小人之才寧無才○虞君亦嘗
規盆成括云工者久而巧也者老而衰括不悟以小有才見
殺色衰而愛弛矣○看來才亦不論大小都不可使如東坡
亦是箇大才的人却每每露才取忌若非神宗優容他則怨
望諸詩亦幾不免殺矣部公甫云莫向沙邊弄明月夜深無
數采珠人吁可畏哉

孟子之滕館於上宮章

或人殆非之說遠疑從者之竊屨蓋云從者之來固爲夫子之設科非爲竊屨而來然夫子之設科也往者不追來者不距苟以是心至斯受之而已能無不善者在其中乎則其竊屨而去亦未可知矣○陽明子曰今之時苟有一念相尋於學者真所謂空谷足音見似人者喜矣况其章縫而來者寧不欣欣然以接之然其間亦豈無濫竽假道之弊但在我不可以此意逆之亦將於此以求其真者耳譬之淘金於沙非不知沙之汰而去者十九然亦未能即舍沙而別以淘金爲也來者不距苟以是心至斯受之而已矣聖賢其皆此意也

孟子曰人皆有所不然一節

此章要人充仁義之心首節空說箇不忍不爲次節總指點

不忍不爲之實三節至末節又申明文無穿窬之心之意○
先云仁義後獨云義者仁義一理也故仁人心章後獨云仁
而義在其中此章後獨云義而仁亦在其中矣

仁義人心所固有不忍者仁之端不爲者義之端人皆有不
忍而於他又忍之皆有不爲而於他又爲之是氣稟所拘物
欲所蔽也自不忍而達之於所忍者念念要皆不忍自不爲
而達之於所爲者事事要皆不爲不忍在心上說不爲在事
上說事本於心總在心上用工夫

人能克無欲人一節

所謂不忍者如無欲害人不忍也人能克此無欲害人之
心仁便不可勝用所謂不爲者如無穿窬是不爲也人能克

此無穿窬之心義便不可勝用然所謂無穿窬之心者非但只無穿窬而已也雖爾汝之稱亦要不受之又非但不受之稱而已也雖語默之微略有此不光明者亦要併此悉去之總爲充無穿窬之心一節密於一節正是充類至義之盡人能充無受爾汝之實無所往而不爲義也

爾汝是輕賤之稱貪昧隱忍而受爾汝之稱者亦是穿窬之類心裏慚忿而不肯受者乃無受爾汝之實便是無穿窬之心也充此無受爾汝之實便是充無穿窬之心矣

士未可以言一節

告人以言告人以不言此是最細處人多不覺者故又說出來此類都是心上不光明終不光明便不是我故曰皆穿窬

之類也。克己之學愈說愈細愈克愈精細微處且不爲之況其粗者乎？又况其甚者乎？是爲克己之學者矣。義到極盡處仁亦到極盡處矣。豈有二學乎哉？

孟子曰言近而指遠一章

君子之言不下帶帶是常在目前者只借以言目前之近目前之近亦只是人情物理就人情物理而言便人人可行得是爲道存道猶之路可行者也。若談空演虛言無實地令人茫茫蕩蕩無處下手便不可行矣。安得謂之道存乎？○君子之守只在脩身天下何以就平得？蓋天下之平雖還要多少政事然身却是本也。身脩便是廓然而大公物來而順應者政事無一不得其理而天下平矣。若是箇愚不肖的身安得

有好政事出來平天下乎○善言善道總只在一心言者心之聲也心者身之主也心正而後身脩和順積中而後英華發外此心性之學所以不可不先講歟

孟子曰堯舜性者也湯武反之也

首條言堯舜湯武性反之不同下二條汎論性反之事不就堯舜湯武說然堯舜所以為堯舜湯武所以為湯武外是矣

動容周旋中禮一節

動容周旋重周旋二字動容的一圓轉處乃至小而易忽者此處且中禮大處更不消說盛德之至不是推由只見得自然意禮是天理聖人一身渾是天理發出來的自然都是天理之節文故雖周旋亦中禮也○言語必信者言必可行謂

之信正行的正字是正助忘之正聖人之言語自然可行是
信之自然者非預正其可行而後爲此言也○性之之德亦
不止此四者此特舉以爲例而其他皆可知矣
君子行法以俟命而已矣

法卽性之之理作用處經德言語動容哀樂之類各有大中
至正之則謂之法行法以俟命者是性盡其在我而非假此
以趨吉避凶也○性之者自然而非有意爲之者雖有意而
非有所爲者有意若猶待俯爲而只未可以語性有爲者則卒
歸於功利而不足以復性矣

孟子曰說大人則藐之章

此爲說大人者發當時遊說之士多以道殉人而喪其所守

故發此以立其志使之志意舒展言語得盡○士君子處世
無輕人之心亦無上人之心有輕人之心者類於薄有上人
之心者類於狂蓋富貴聲名是各人一時之遭際而故詆毀
靡棄者有輕人之心者也德業文章是自己分內之常事而
故偃蹇倨傲者有上人之心者也二者橫於心胸便全是客
氣用事而亦無一日之樂矣此所謂藐大人者豈是要輕人
亦豈是要上人特不視其藐然耳不然是教人薄且狂耶
堂高二句是宮室之數數在前二句是食色之數一般樂三
句是宴遊之數數在大人者我皆不爲而在在我者皆古聖人
之制彼以富貴我以德義彼以名利我以文章吾何慊於彼
也而亦何畏於彼也惟不畏彼故不視彼而說之之時自然

志意舒展言語得盡矣。○志不可不立不立志便俗了人明
道子嘗見呂公云宰相呂微仲雖做只是這漢俗爲他有俗
態也王介甫做宰相只喫魚羹飯因薦兩人不行便云世間
何處無魚羹飯爲他俗累輕便去住自在也士大夫要如此
立得志起把俗累一切掃除未遇時便自激昂不到墜墮地
位遇了時便有節制不到奢縱地位不奢縱的定不專利利
君害民等事皆所不爲矣天下亦蒙其福哉

孟子曰養心莫善於寡欲章

養心莫善於寡欲下四句正見之蓋心之存與不存惟係欲
之寡與不寡可見養心莫善於寡欲。○欲各有所起桑間濮
上之欲起於男女也峻宇雕牆之欲起於宮室也錦繡羅綺

之欲起於衣服也酒池肉林之欲起於飲食也珍禽花木之
欲起於苑囿也急管繁絃之欲起於琴瑟也積金貯銀之欲
起於錢貨也寡欲者須從起處理會男女者爲宗祀而已留
却一枝河畔柳明朝猶有遠行人多此欲者何爲耶宮室者
爲安居而已四十年米車馬地古槐深巷暮蟬愁多此欲者
何爲耶衣服者爲蔽體而已幾年老心閒無外事麻衣草坐
亦容身多此欲者何爲耶飲食者爲養生而已我與何曾同
一飽不知何苦食雞豚多此欲者何爲耶苑囿者爲節遊而
已行人本是農桑客記得春深學種田多此欲者何爲耶琴
瑟者爲和情而已爲國爲民其寂寞却教桃李聽笙歌多此
欲者何爲耶錢貨者爲子孫而已積金以遺子孫子孫未必

能守積善以遺子孫子孫未必能讀何如積陰德於冥冥之中以爲子孫長久之計耶思及於此亦可以寡欲矣○此處只爲多欲者說故云寡欲若要其極湏是無欲而後爲聖學也寡字亦說不得濂溪子曰聖可學乎曰可有要乎曰一爲要一者無欲也無欲則靜虛動直靜虛則明明則通動直則公公則溥明通公溥庶矣哉

曾皙嗜羊棗章

曾子何爲食膾炙而不食羊棗丑意膾炙旣美於羊棗則羊棗固曾皙之所嗜而膾炙亦其所嗜者曾子旣不食羊棗何爲又食膾炙也○諱名不諱姓汎說不專指父的姓名姓所同者稱之而不嫌名所獨者稱之而有礙以此諱名不諱姓

膾炙所同者食之而不覺羊棗所獨者食之而不忍以此食
膾炙而不食羊棗○敬軒子寧紀先人舊遊云重來不似當
時興綠草紅花總是愁又得先人手書云分明筆迹如平日
一字傷心一淚珠是亦不忍食羊棗意也彼以舊業為流沙
而忍於棄賣以手書為故紙而忍於糊裹者豈獨無人子之
心耶此之謂敗子死者有知亦不為瞑目矣

萬章問曰孔子在陳一節

自孔子在陳至是又其次見聖人所以取狂狷之意自過我
門而不入我室至斯無和惡見聖人所以惡鄉原之意取狂
狷者以其雖未至於中道而猶可進於中道也惡鄉原者以
其雖有似乎中道而實則害乎中道也

進取不忘其初正說狂簡之為人進取是志太不忘其初是畧於事物之所為必有不是處不能改是不忘也

孟子曰孔子不得中道五節

何如斯可謂狂是問狂之人魯曾牧皮人皆知之琴張者與子桑戶孟之友友三人相謂曰孰能相與於無相與相為於無相為孰能登天遊霧撓排無極相忘以生無所終窮子桑戶死二人相和而歌子貢以告孔子曰彼遊方之外者也何以謂之狂是問狂之實其志嘐々然者志之高白古之人古之人者言之高夷字從高字生來未須貴以高者只平平就其行考之亦不能掩其言也

狂者又不可得一節

前併說孔子思狂狷此因解思狷之故是又其次對故思其次者中道是上者狂次於中道狷則又次於中道矣

孔子曰過我門二節

鄉原是德狂狷之齟齬於世而自立一等行狀者故譏狂之言如此譏狷之言又如此譏狂則必不為狂譏狷則必不為狷故闔閭然閉藏退縮不敢出一忤人之言不敢行一矯俗之事只專為媚悅以取容於世是以謂之鄉原也

萬章曰一鄉皆稱原人二節

居之似忠信行之似廉潔是鄉原的本色自以為是鄉原所以不可入堯舜之道者全在此若不自

是而有悔悟之幾則亦可與入道矣

孔子曰惡似而非者一節

惡似而非是終語以下皆似而非者惡莠惡佞惡利口惡鄭
聲惡紫亦輕歸重在惡鄉原鄉原之亂德不惟自己不可入
堯舜之道且將率天下之人而皆為堯舜之賊矣孔子之深惡痛絕也有以夫
君子反經而已矣一節

君子反經經即堯舜孔子所傳之中道此道原在人心只為
異端邪說近似亂導人心為其所迷反經者只於人心中發
明之復此真是的常道常道既復是非曉然明白人人便知
所適從而日歸於中正日入於真醇和惡若鄉原之類皆無
所容於世自然絕無了故轉移世道者只在開明人心更無
別法也○此章先為狂獯而論後却獨詳於鄉原者蓋以鄉
原不狂不獯其實遠不及狂獯狂獯尚可以入聖人鄉原却

終不可入堯舜之道也。反經以爲絕鄉原之策，正所謂上策。莫如自治矣。○陽明子曰：狂者嚶嚶，聖人而行不掩，世所謂敗闕也。而聖門以列中行之次。鄉原忠信廉潔，刺之無可刺。世所謂完全也。而聖門以爲德之賊。某願爲狂以進，取不願爲惡以媚世也。又曰：某在南都以前，尚有些子鄉原的意思。在如今，信得這良知，真是真非信手行去，更不着些覆藏。終做得箇狂者的胸次，使天下之人都說我行不掩言也。罷噫！先生何止狂也！其狂而作聖者乎？○今之學者，宗陽明之學，便嫉晦庵宗晦庵之學，便又嫉陽明。皆非深知二先生者。愚嘗謂二先生一是登山，一是入海，探珠各有所得，俱足爲寶，可相美而不可相嫉也。彼相嫉者，議晦庵是俗學，議陽

明是禪學是皆二先生之罪人也天下有如此禪如此俗哉
孟子曰由堯舜至於湯章

此章是孟子自任道統之意五百有餘歲大約世數如此或
有不齊處亦不必泥也見知聞知不平者重在見知上蓋天
下事必有作之者而後有述之者必有倡之者而後有和之
者惟有見之者歷歷傳之於後是以有聞知者繩繩嗣乎其
前矣○見知聞知不必取徵於書傳書傳所紀者有限聖賢
所知者無窮吾道之全體大用都在聖賢所知之中也可以
紀載之緒論而盡之乎○禹皋是名世之古伊呂是湯文之
師不待見而後知者至於湯文孔子之聖亦不待聞而後知
者此處所云蓋以同時論之則臣當以君爲主以異世論之

則後當以前爲師云耳○問孔子集群聖之大成者乃獨以爲聞知於文王如何曰夫道一而已矣堯舜禹湯之道即是文王之道也武王周公之道亦即是文王之道也舉一文王則群聖人皆可知矣○然而二句是說爲之詞然而上要補已有見知意蓋予於孔子去其世若此之未遠近其居若此之又甚固幸得而見知也自今以後亦必有人聞知者設使于今無見知則後世豈祇有聞知者耶○晦庵子云然而已無有見而知之者已字不活落似已無了見知者便不見自任的意思○問顏曾思三子正是見知孔子者孟子却舍之而自以爲見知何也曰此與不動心章舍顏閔諸公而願學孔子之旨一樣自任之重故如此○見知者見以心也不是

見之以目聞知者聞以心也亦不是聞之以耳此之爲真見此之爲真聞而知之真者此也若說以目而見則孟子何所見於孔子以耳而聞則湯何所聞於堯舜文王何所聞於湯而孔子亦何所聞於文王乎陽明子曰千聖本無心外訣六經須拂鏡中塵又曰而今指與真頭面只是良知更莫疑聖賢所以見知聞知者皆此知之謂而已矣

講學是

聖世好風俗士大夫好行業予此講講學乎哉蓋爲諸子講非爲世人講也爲世人講者講以名爲諸子講者講以實予講學乎哉昔之講者不象山則晦庵今之講者不晦庵則陽明然視陽明晦庵竟何如也予講學乎哉昔人有云伊川講明

後又出幾箇聖人濂溪未曾講明何曾誤了春陵夫子今之
講者曰我晦庵我陽明也而不知自家一箇心性千病萬痛
醫治不暇又何暇為人講學哉而等只湏把良知還陽明問
學還晦庵德性還象山又把仁義還孟子中庸還子思大學
還曾子又把一貫也還孔子敬止也還文王精一執中也還
堯舜直將自家胸中粘帶一切掃除眼前紛紜一切平妥本
來心性一切恢復便是一生的好行業一家的好風俗
聖世的好士大夫矣世上講學人以萬萬計又何消為他講哉
為世人講者講以名為諸子講者講以實予為諸子講非為
世人講也予講學乎哉

禮部司務

九江

蔡復賞

閱